

T 5422/7671.2

4



CHINESE - JAPANESE LIBRARY OF  
HARVARD - YENCHING INSTITUTE  
AT HARVARD UNIVERSITY  
JAN 10 1941



UNIVERSITY OF TORONTO LIBRARY  
140 St. George Street  
Toronto, Ontario M5S 1A5  
CANADA

白榆集卷之六

七言律詩

送陸太僕北上

鶴姿龍性馬曹閒  
吏散天宮直掩關  
即使有官居九列  
豈應無夢到三山  
曉前明月嬌絲管  
江上冷風吹  
佩環極目蒼茫處  
高樹裏孤雲不斷鳥飛還

寄曾司農

新年苦憶醉屠蘇  
水抱孤城廢舊壘  
竹葉吹風煙雨別

東海傳信陸維真著



白榆集卷之六

哈佛大學漢和  
圖書館珍藏印

東海屋  
隆緯真著

七言律詩二

送陸太僕北上

鶴姿龍性馬曹閒  
吏散天空晝掩關  
即使有官居九列  
豈應無夢到三山  
帆前明月嬌絲管  
江上冷風吹珮環  
極目蒼茫高樹裏  
孤雲不斷鳥飛還

寄曾司農

新年苦憶醉屠蘇  
水抱孤城鴈鶩呼  
竹院廚煙青列



白梅集 卷之六  
岫蘭舟野吹隔通都使君瀟灑來三峽下吏從容狎  
五湖一別相思難見面陽春花發比菖蒲

寄周允登文學

當時曾共臥煙霞一片青林帶白沙雲護香巖寒貝  
葉江深春水漲桃花同袍握手心猶在異國銷魂鬢  
欲華早晚歸來還傷汝五株楊柳半畦瓜

水仙

娟始湘洛淨如羅幻出芳魂儼素娥夜靜有人來鼓  
瑟月明何物去凌波蕭疎冷豔水綃薄綽約風鬟露

氣多直是靈根堪度世妖容知不傷池荷

芍藥

鮮紅豔紫總芳菲更向風前動舞衣借問何年荐宮  
寢却教人喚作花妃荔裝寶帶黃金束霞拂輕綃絳  
蠟圍宛似玉環池上宴香車十里醉中歸

大士蓮

佛土莊嚴妙相通繽紛法座寶花紅根來九品金沙  
地香散諸天玉界中泥濁故知心不染波澄照見色  
還空六時那竝花開落惟有清池皓月同



白梅集  
卷之六  
羅漢松

何年蒼叟住禪林百尺婆娑萬壑陰四果總來成佛  
印一官應不受秦侵靈根歲月跏趺久老榦風霜面  
壁深謾謾回飈響空谷猶聞清夜海潮音

猿

劍術曾將通臂誇不爭五嶺與三巴天寒木落收山  
果水暖沙晴嘯浦花長共幽八分石崖終知野性在  
煙霞踈林賴爾增高韻一隊倉山白日斜

水鳥

鷓鴣屬玉聊爲友紫荇青蒲可作房流浪豈知天地  
闊生來只夢水雲鄉回風冷戲菱花亂淡月斜飛蓮  
葉香自喜一官長傍汝移家還擬住滄浪

新鷺

初來閣外弄春暉上下花間試學飛小語未全調玉  
管薄寒深自護金衣龍池萬柳栖應快紫殿千門見  
總稀九十韶華愁易老啼殘紅藥綠陰肥

宮中白鸚鵡

皓質無塵縞素裳宮中曾號雪衣娘似從肥婢偷香



粉竊向梅妃學淡妝玉戶碧紗春掩映梨花寒月夜  
微茫縱然誦得波羅蜜爭似閑飛隴樹長

宮中黃鸝

一入雕籠奪翠裳羽毛新得染鵝黃銅池淺淡嬌明  
月金屋曠曠晃太陽語罷斜侵宮柳色朝回遙接袞  
衣光佳人玉手親調處妬殺釵頭雙鳳凰

鴈字

塞上秋光鴈幾羣題書南去問湘君遙連細月銀鈎  
淡斜界明霞綵筆分巫峽雲來增墨氣洞庭風起亂

回文征夫寄爾千行淚夢斷蘇卿漢嶺聞

七姊妹花

一種名花七樣妝羣姬同日嫁東皇大姨老去猶風  
韻小妹生來欲擅場竝向綠牕牽綵線齊將紅袖勸  
雕觴芳心豔態空相鬪秦虢香車委道傍

寄題李之文青蓮館

水上孤亭帶郭斜幽人日日夢煙霞東林淡月搖金  
磬北渚靈風濯藕花時挾青蚨尋酒舍偶因黃葉坐  
僧家歌殘客散天如洗一曲銅鑊入暮鴉



寄題文長朝曦閣

高閣朝曦遠黛明三山不動海波平捲簾飛鳥破秋色  
欹枕寒濤入暮聲龍女曉沉衣袂冷江花遙映管絃清  
津樓浦樹空回首曾踏金鰲背上行

王孫行爲吳茂倩

老去王孫富五車可堪雙足在風沙蝦蟇墓陵下金條  
脫燕子樓中玉辟邪萬里乾坤容落拓十年煙雨憶  
豪華多情多恨空銷歇試看青門五色瓜

寄余相國四首

新出黃麻拜相君謳歌父老萬方聞寒星曉映螭頭  
月碧瓦初低殿上雲紫氣雙龍纏北斗朱絃一曲應  
南薰遠人敢望尚書履目極秋空雁幾羣

至人心本在煙霞偶領千官擁絳紗共道五雲開相  
府終然三島是君家朝行東閣看宮樹夜夢西湖映  
浦花自是餐梨堪辟穀更聞海上棗如瓜

赤山雷電破氤氳上帝曾煩太乙神不獨雄風吹鑄  
劍懸知靈嶽又生申誤看天女三千隊來作紗籠第  
一人日侍東華分妙氣手提北斗散陽春



白梅集 卷之六 五  
江上秋風蕙草殘可能歸去把漁竿天吳夜出驚津  
吏龍女宵啼媿灌壇入口無多甘薄祿二毛猶不礙  
微官故人爲相真堪喜日月高臨滄海寬

元美先生偶出過青谿余拏舟相見城下竟夕

嗒然別去明旦以二詩見詒率爾寄荅

九月湖清霜露繁布衣相對總無言煙鳧已入沙邊  
夢漁火歸聞浦口喧父老三朝驚紫氣候人十里掃  
關門馬頭無那黃塵色安得逍遙似漆園

豫章朱可大大理出宰語谿寄訊一首時不通

聞問五稔矣

江湖莽蕩不相逢嘯入香爐第幾峰踈磬斜陽宜竹  
院橫琴素月且花封鷓鴣將野色來官舍鶴帶寒雲上  
古松霜落語谿秋水碧天教才子看芙蓉

百穀先生拏舟載酒追送征夫毘陵道上臨別

感動爲賦此篇

銀燭踈星夜色繁樓船疊鼓響寒原欲行坐惜帆前  
月未去先銷馬上覓此日提壺逢出祖向來注水只  
當門蕭蕭老樹雲陽道臨別踟躕不忍言



再登仙師樓居觀諸靈蹟是師修道處

樓上遺有龕劍

諸法器盆荷自師化後不復著花師所鑿井水甚列

鶴背人歸小有天天風吹不散爐煙龕留南嶽上清  
劍書寄雲華長史篇無復玉荷開豔蕊尚遺金井汲  
靈泉登臨不異蓬萊閣夜宿朱闌挂斗星

寄題五嶽有引

余少有五嶽之志不幸牽于世網並未得遊萬曆  
壬午以計吏北上途中偶爾興懷寄託五首

中嶽

高柱剡天白日停千峰迴合晝冥冥鳳乘秋月笙俱  
冷虎嘯空巖殿不扃一夕風雷松壑徙九年霜雪石  
花青竦身欲挂藤蘿外夜聽金臺玉笥經

東嶽

山驚石裂御屏開知是元君控鶴來臺殿直愁天路  
杳松杉寒借海潮迴上方虛瀨千峰月下界濃陰萬  
壑雷七十二君呼不起白雲秋冷暮鐘哀

南嶽

開山帝命祝融神七十二峰朝玉晨入夜笙簫過半



嶺何年鸞鶴會羣真題詩曰無奈玄夷去結屋還爲紫  
蓋隣我亦冥心求至道臨風涕泣魏夫人

西嶽

鉅靈一去不曾還神物當年摩二山秋色芙蓉開浩  
蕩河聲日月走潺湲金天瑟瑟多風露玉女蕭蕭下  
珮環何事秦皇汎東海青牛紫氣自函關

北嶽

嵯峩北嶽插天門山氣高寒不可捫千嶂暑寧銷積  
雪萬松雲不散朝暎朱宮縹緲爐香細絳節參差嶽

帝尊欲駕罡風凌絕頂羣靈稽首問真言

中途雨雪懷開之太史四首

步兵美酒大官糜近與何人共玉卮金馬直班青漢  
上石門稍冷白雲期笙歌萬騎宮車過鈴索千花殿  
影移借問虎跑僧寺水出山何似在山時

萬松斜日挂踈藤誰踏煙霞第一層不忍便辭龍樹  
佛可能還憶虎谿僧心如廬阜千秋鏡官比峨眉六  
月米聞道明光起草罷焚香長坐榻前燈

玉笛金尊記昔遊浪花千丈太湖舟雲霄一出依丹



鳳煙水應難老白鷗高館秘書星漢夜微鐘碧樹禁  
城秋請言爲客蕭疎事月照銀鞍雪滿頭  
端明玉帶是前因知道蓮花火裏新山雪正宜叩竹  
杖馬蹄不稱華陽巾相思太史青藜閣欲叩如來金  
粟身好買名香添茗椀爲余先報管夫人

懷陳伯符

城烏飛下啄寒沙雪壓南滁十萬家忽憶仙郎在霄  
漢向來結客滿京華彩毫五色春裁賦絃管諸生暮  
散衙官薄名高知不恨故人今日踏冰花

懷沈箕仲

四十爲郎若不聞可曾圍帶減休文偶來握節臨蒼  
水依舊間曹臥白雲萬里西風今日淚一尊南浦去  
年分青山獨走柴門雪濁酒寒燈夜夢君

懷余君房

千峰欲踏馬蹄穿三五人家生暮煙牛帶夕陽歸斷  
隴鴈衝殘雪下平田好呼濁酒尋茅舍不奈西風欺  
水綿苦憶故人余水部檢書燒燭地爐邊

淮南道中懷瞿孟堅



思君寒月正揚舲天闊波濤響洞庭寶劍西風生颯  
爽彩毫南國借娉婷高原立馬孤雲去野館無人片  
月停垂老悲歡燕市酒輸君年少賦湘靈

干將舞罷叩哀絃爲汝揚眉霜月前峽雨巫雲神女  
賦瀟湘夢澤楚王田不分鳥雁行寒夜定有魚龍入  
大篇已備金尊待銀燭暫令天地隔風煙

懷故人瞿睿夫聞其令子得雋楚中兼爲識喜  
梁獄書成四壁空馬蹄終日走枯蓬魚腸夜氣沉銀  
虎七首寒光歿白虹老去祗傷和氏璧得來仍是楚

人弓胸中五嶽知無恙弱水西頭滄海東

彭城遇姜仲文使君

逆旅彭城呼濁醪忽驚窮巷有旌旄片言遇合如神  
劍千里躊躇解佩刀寒月繁霜宜桂酒華堂清吹雜  
蘭膏雞鳴勒馬人難住腸斷黃河水雪高

哭張大

張大孺穀司馬公伯子也少有高才俠骨晚乃逃禪風韻方踈泉臺遠掩哀哉

僕義存通家歌以當哭

少乎公子太豪華結客曾過朱亥家萬里雙鞬燕市  
酒千金一曲杜陵花寶刀折去心俱死俠氣銷來鬢



已華猶恨英雄回首晚蓮臺西去隔恒沙

雲間董逸少祝髮為僧以詩慰之

逸少雲間名士為宗人所

陷襁其衣冠盡殺其產後余為白其寃無何宗人之釋憾不已逸少乃祝髮馬耆寺為沙門余悲其志而復喜其勇猛也作詩慰之

一踏空門萬事非西方天竺好皈依向來恩怨俱流

水老去生涯止衲衣皓月殘經松影入寒霜清磬燭

花微丈夫勝力關調御滅盡嗔心始息機

### 懷莫廷韓留滯燕京

一自王孫遊上都天寒雨雪老靡蕪馬分南北朝朝

望劍失雌雄夜夜呼塞上詎堪聞感築壚頭應不乏

醍醐風雲慘澹三千字還取君家舊五湖

### 懷沈肩吾太史

遠人迢遞望煙霄太乙青藜夜火搖馬踏沙河水欲

裂雞鳴茅店雪初銷風雲氣盡何言少叢桂情深不

用招辛苦看山雙足健肯因為令失逍遙

### 金陵八詠

#### 石頭城

讀罷名都佳麗篇日華風色尚娟娟內人一工牋



白梅集 卷之六  
記外宅朝朝奏管絃芳草六朝龍輦跡高城九陌馬  
蹄煙吳歌商女君休聽傍得秦淮酒肆邊

桃葉渡

大江春日不生波遊鯉嘉魴蘸綠蘿細雨鏡花君不  
渡好風桃葉奈愁何朝臨綺閣龍綃冷夜弄朱顏水  
調多楊柳如煙籠月色歡來有酒待儂歌

雨花臺

高僧說法指恒河零亂香花入座多僧去臺荒鐘帶  
雨天空地冷佛生蘿數峰又復斜陽盡千載其如浩

劫何悟到真如諸相滅西來不必問曼陀

燕子磯

峭壁懸崖石勢奔魚龍不動大波渾煙銷落日開天  
斬浪捲孤峰插海門楓葉下來秋水澁蘆花深處夜  
漁喧橫波神女杳然去月白沙清欲斷魂

秦淮水

月映秦淮萬戶煙自吹長笛攬龍眠微霜野寺聞鐘  
磬落日人家泛管絃酒舍誰開魚網下官帆逢出女  
牆邊洗殘香粉空流恨潮去潮來是昔年



莫愁湖

盧家粉黛已荒丘此地湖仍喚莫愁蓮葉香來繞扇  
夜菱花清照木蘭秋珠殘石氏猶存井燕去張家尚  
有樓自是生情亦生恨祇將煙月醉湖頭

蝦蟆陵

彩毫金粉各成行南國風流總擅場芍藥朱欄浮夜  
月芙蓉水閣暎初陽客來簾外題宮扇馬到花間踏  
殿香今日淒涼陵下路霜高平野散牛羊

烏衣巷

朱門大第屬飛霞巷口今經第幾家陵墓壇前生野  
蔓秦淮浪裏漲寒沙當時去矣梁間燕春日來銜陌  
上花一自駸駸龍騎北六宮高樹暮棲鴉

贈邢子愿侍御二首

才子乘驄侍玉皇紅雲紫霧照仙郎青山面帶煙霞  
色白簡身依日月光霜落城烏三殿曙花黏宮燕六  
街香彩毫更濯銀河水夜傍天孫賦七襄

風期蕭灑佐清歡銀燭高齋卜夜闌欲罄厨中桑落  
酒不知頭上惠文冠君將氣色看龍劔我自泥沙問



馬鞍此日千秋肝膽在他年萬頃水雲寬

贈陳玉叔先生二首

美人南國氣翩翩  
絲筆才名四十年  
風雨雙鬟龍女  
牧虹霓千騎楚王田  
香生蘭葉春裁賦  
月映江花夜  
散筵五嶽胸中真不減  
官衙長掃白雲眠

使君高調復高情  
片語堪當十五城  
雲夢雕胡香飯  
冷洞庭青雀大波平  
黃金半為窮交盡  
白髮那因作  
吏士握手相看忘  
罄折不慙燕市酒人名

春夜同陳玉叔莫廷韓傅伯俊邢子愿胡元瑞

集朱汝修齋中

同心能得幾回論  
肯惜天涯盡此尊  
高詠直侵紅燭  
冷幽居長有白雲屯  
玉河星轉海疑曙  
金析霜沉夜  
不喧乍可對君清  
颯颯別來竟夢在丘樊

燕市逢胡元瑞

獨占江湖理釣船  
水雲千頃浪花鮮  
相思瑤樹迷丹  
嶂長嘯金華入紫煙  
寶劍論心千載上  
踈燈照影一  
尊前何年同訪牧  
羊子門掩松蘿洞裏眠

同傅伯俊夜宿開之綺雲館



白梅集 卷之六  
門前不住馬蹄沙雲白天青太史家霜入微鐘人語  
細風迴空館燭光斜夜寒乞火分茶竈日出呼童掃  
雪花名理罷來無一事焚香盥手讀楞伽

贈郭汾源武選

住事閑憑濁酒論風霜飽盡壯心存幾吹鐵遂驚龍  
子曾枕銅焦臥鴈門黃石豈能銷髻髮紫泥終許濯  
崑崙相期好在煙蘿外莫謂逍遙亦寓言

壽沈太母七十詩

鳳笙龍笛氣吹霞虎綬盤囊阿母家湖上白雲調曲  
冷尊前紅燭出簾斜送來玉洞千春釀曾啖瑤池五  
色瓜聞道西王占女籍相將雞犬問桃花

訪劉仲修觀察

靈巖日觀白雲房垂老移家傍帝鄉秋色晚披金掌  
露漏聲寒應玉河霜澆花看竹春長醉擊筑彈碁夜  
未央香滿六街塵似海可能無夢到滄浪

贈陳廣野給諫二首

天子宵衣百辟臨絲毫應得傍華簪星迴北斗低朱  
戶氣轉南薰入鼓琴垂柳馬侵馳道綠名花鶯語掖



垣深清歡一借西山月共說煙蘿象外心

憊人姑射立明光年少才名拜夕郎綠酒松花朝侍  
燕紅鐙蘭葉夜薰香閣中星斗書千卷塞上風雷詔  
十行休沐更聞多勝事山空雲物冷衣裳

同張助甫陳玉叔余君房萬伯修傅伯俊梅客  
生莫廷韓黃定甫朱汝修集盛泰甫山人宅

得魚字時山人奉母東歸

冠蓋如雲送隱居馬頭明月篋中書十年燕市金應  
盡一夕吳歌酒不虛楊柳條風飛野雉桃花春水上

江魚故山猿鶴迎人處碧洞丹霞好結廬

贈朱汝修

落日紅塵撲馬鞍天教玄度得追歡尊前萬里能無  
淚眼底千秋薄有官歲月祇驚燕市老水雲終許太  
湖寬定交杵臼肝腸在慘澹黃河去住難

贈羅敬叔

有客高懸明月孤白雲大叫踏匡廬曾依惠遠聞鐘  
磬更傍荆卿卧酒壚馬磧流星馳玉劔龍池萬柳拂  
金鋪與君相約鴻冥去水滿桃花作釣徒



無題四首

月照重門啼暮鴉  
蝦蟇墓陵口是卿家  
豈無秀句驚文苑  
奈可雕車傍狹斜  
絃管夜聲迴急雪  
麤蕪春色帶平沙  
一江桃葉真堪渡  
落日微風生浪花

任俠逢人說寶刀  
校書長自續蘭膏  
樓前雁度關河黑  
城上烏棲星漢高  
羅襪香寒嬌洛浦  
綵雲天遠沒江臯  
白楊紅粉西陵暮  
恨不吹笙向碧桃

誤謫風塵二十年  
紅雲隊裏掌書僊  
偶題紈扇人爭寶  
自賦長門不用錢  
殿脚芙蓉踈暮雨  
宮腰楊柳入寒煙  
春來雙鯉無消息  
愁絕秦淮古渡邊

不將綵筆畫雙眉  
慣寫雲牋十幅詩  
龍女妬他珠上淚  
天孫偷得錦中絲  
六朝廢苑香俱滅  
三峽荒臺夢亦癡  
儻悟無生空妙相  
蓮花何必在清池

出京寄殷無美

無美昔年嘗一見過清夜篝燈疑語歡甚此後音問遂寥然此

入都門各溷塵事竟不成握手臨發留此寄之

百花春借杜陵衣  
一夕清歡三載違  
自是綵雲難得見  
終知黃鵠愛高飛  
小姬壓酒樓中臥  
細馬馱笙月下歸  
此日長安容任俠  
垂楊何處不依依



白梅集 卷之六  
送表微之遊嵩少

蕭然一騎犯風沙東去名山子晉家白日有人乘野  
鶴青天無路入桃花流泉百道鐘聲冷風磴千盤殿  
影斜後夜思君竟縹緲好從絕頂寄煙霞

寄李季宣

未成握手恨飛翻寶馬曾經一到門神物合來應有  
數征夫欲去黯無言高樓紫陌遊絲暖大編黃河細  
浪喧不接聲音能望氣定依芳草夢王孫

寄鄒進士爾瞻二首

并河阻絕野猿啼澤國荒涼鳧雁悲疊鼓秋高霜不  
到瘴煙夜黑月來遲不愁錦字千行斷但聽鳴機雙  
淚垂蠻女採花童子唱日斜間過竹王祠

十里親朋送遠行孤身一劍馬蹄輕介推母在應難  
歿萊氏妻賢好共耕海氣觸人蠻部暖嶺花鋪野戍  
雲平但留七尺邊垂下且莫揚眉說請纓

燕齊道中贈傅伯俊四首

荒荒鉅野話情深落日風沙海岱陰許碣定遭王母  
譴東方聊作歲星臨人間只詫雙龍合世外誰知五



白梅集 卷之六  
嶽心斲去滄江治雲水不妨花裏出鳴琴

湖雨湖風侵縣衙蘭橈長得泛蕪葭絃歌不廢十千  
酒煙火仍連二百家聞道鬱林惟片石恠來王氏有  
丹砂宰官自愛澄潭月照見空濛鏡裏花

油碧輕車並馬行少年場裏舊知名天寒岱嶽風雷  
盡雪滿黃河波浪平官舍客來春甕綠雲堂僧散夜  
鐘清異人手握靈蛇去一往翛然入化城

對君猶恨識君遲野鶴孤雲無住時後果終成裴相  
國前身應是永禪師但存一片冰心在安用千秋俠

氣爲欲折佩刀焚綵筆雙棲皓月古松枝

東郡隆興寺贈覺蓮禪師

蓮葉蓮花淨碧漪香生香滅是禪機自將明月添松  
火閒剪秋空補衲衣猿過講堂山果落經殘佛閣野  
雲飛虎谿谿上鐘聲午流水潺潺送客歸

白閣燕集贈狄明叔將軍

解印歸來尚黑頭鶡冠野服臥菟裘嬾將大石磨金  
劍賸有閑田放紫騮竹樹微風含曲檻花枝斜日墮  
空樓相期好結洪厓伴碧浪三山海外遊



寄輓程思玄太學  
少年文采照詞林神理寧歸  
 氣韻沉荒土千秋埋玉  
 樹廣陵一曲罷瑤琴共留壁蠹香初歇羽折原鶴恨  
 轉深康樂近來應寂寞西堂夢破草蕭森

二六

白榆集卷之七

東海屠隆緯上著

七言律詩三

長安卽事四首

五侯七貴退朝回繡箔珠簾大第開身後豈能迷日  
 月手中空自挾風雷龍章盡奪平沙冷馬鬣無聲蔓  
 草堆不放秦宮花底活西園零落總堪哀

青娥皓齒貢流蘇白壁黃金轉轆轤墮馬樓前梁冀  
 宅當壚簾裏霍家奴袞衣窄袖花千樹銀甲哀箏酒



百壺運去悲來煙草綠墓門啼殺後棲烏  
星散花飛奈若何浮雲黯靄問江河宵衣叩閣聽銀  
漏曉日揚鞭振玉珂小苑芙蓉通御氣大池楊柳借  
恩波夕陽笑破邯鄲夢得似山中住薜蘿  
鳳輦朝隨御路長龍池夜宿禁煙蒼紅雲閃爍傳天  
語白日氤氳起電光花燭千金駙馬第綵衣十隊侍  
中郎胡椒鐘乳今何處好去閑門看夕陽

任城覽眺

二月任城花氣寒登高載酒一憑欄汀洲送目雲帆  
亂隴阪驅車雪色殘商女春衣飄錦帶王孫夜獵鬪  
銀鞍多情太白樓前月照入金尊萬頃寬

淮徐感興

望國懷鄉感路岐征夫兩髻欲成絲江南水闊魚難  
至淮北春寒花較遲斷磧馬蹄冰裂後平林鶯語日  
斜時金書玉札無消息碧海青天有夢思

奉懷母夫人

昔別長途雨雪飛今來楊柳正依依天邊自喜人南  
去江上初迎雁北歸淚與春波窺素髮夢隨殘月下



白梅集 卷之八 二  
鳴機舉杯明日花前劇笑摘櫻桃媚舞衣

代內見懷

馬頭明月劔頭塵雁度關河獨愴神惜別艱難因雨  
雪斷腸容易是陽春夢回芳草渾迷路欲寄寒衣怕  
倩人小吏封侯消息遠年年雙睫在車輪

懷李之文之芳吳昌齡文長伯英諸子

遊子欲從冰雪老故人占斷水雲秋高歌明月邀青  
雀緩坐輕沙帶白鷗僧舍竹邊聞謝豹女郎花裏出  
筵篔年來生事真堪妬只把三江傲五侯

懷嘉則賓父伯翼長文田叔仲初鄭朗諸君

相思公子住巖阿歲歲衣裳剪薜蘿水濺山花春屐  
冷僧歸湖雨暮鐘多犬能愛客沿谿送猿不驚人帶  
月過詎用移文心自媿雲青沙白奈君何

懷元美元馭敬美三先生

王家珠樹羨雙棲蘿薜門深斷馬蹄已向竺乾修淨  
業更因莊叟見天倪書殘貝葉雲生牖種得胡麻水  
滿谿到日只愁雞犬去千巖萬壑使人迷

懷王辰王道兄



昔與王喬理鳳笙露華明月傍瑤京蕊珠經罷天初  
朗沈水香銷夜轉清白雪似侵姑射色紅霞忽送步  
虛聲許家玉斧丹陽弟早晚看君鶴背行

懷王百穀陸伯生彭欽之徐孟孺郁孟野沈孟

嘉曹重甫諸宜甫諸子

離亭相送各沾膺伐木歌成恨不勝萬里飄零官舍  
酒寸心愁絕濁河水烏啼霜落吳王劍馬去天空大  
帝陵到日桃花應滿縣碧山無恙五湖澄

鄒爾瞻自戍所賜環喜劇賦此

孤臣迢遞去投荒萬死漂零戍夜郎雲黑蠻童過小  
隊天青山鬼借陰房三年瘴癘那聞雁十月邊垂不  
下霜今日一尊堪慟哭鐵衣無志見君王

同姜仲文使君登子瞻黃樓矚眺

馬壁沉河蜃氣平蒼煙石碣暮濤聲坐來空閣搖星  
漢歌入滄浪採杜蘅鶴去樓青簾半捲城高水白月  
孤明竝將絲筆酬千古送盡飛鴻酒未傾

贈陸無從

才子無官名轉高知君自愛廣陵濤石壇松桂邀基



局水殿芙蓉借綵毫月上江干時蕩槳客來花裏坐  
焚膏平生國士看能幾不惜臨分解佩刀

題柴仲初芳草齋

幽人野性狎鷗羣更欲攜家就白雲江穩浪痕推月  
出林深鳥語隔花聞開門延客犬初吠選石哦詩日  
又曛經罷香殘無一事題書遙寄華陽君

贈張念華侍御

理輪直氣總回天攬轡全清海岱煙調入雲門高九  
奏星垂龍劔迥雙懸秦餘遍踏桃花路禹穴深探宛  
委編國士千秋堪雪涕心慙七首報恩年

贈張肖甫司馬四首

日出煙銷海岱平簡書司馬得專征雙龍似挾星辰  
下萬騎長驅風雨行南國文章通蜃氣西湖歌吹斷  
邊聲題詩每借花間石小隊駸駸絳蠟明

銅梁玉壘氣崔嵬金簡玄夷立馬來畫角登城擊河  
漢樓船泛海度蓬萊雄篇直與之罘壯片石真同峴  
首哀聞道採芝長獨往桃花萬樹入天台

黃石英雄白兔姿凌雲文采伏波師江空疊鼓驚長



遂雪滿管門捲大旗羽扇綸巾天浩蕩花箋斗酒墨  
淋漓萬夫馬首來羅拜獨夜光芒鵲印垂

上相行邊風雨從旌旗落日遶千峰清江皓月開三  
秀滄海洪波壓五松帳下偏裨閑射虎尊前詞客競  
雕龍山川靈氣歸真宰總識丹霞世外容

訪王玄靜

是雅宜先生子余家族子為閩臬叅  
軍為倭奴所得要千金贖還時王君  
以幕僚間關萬死乞哀當事  
諸公族子賴以生還

王君灑落名賢後高誼千秋白日懸傑閣平臨滄海  
月空船長繫太湖煙映門修竹疑初地夾岫桃花閱

洞天載酒偶來同小阮醉時聊借石牀眠

贈馬水部

使君為吏自僂僂彩筆縱橫大曆年水國秋雲生劒  
首星橋明月落帆前天寒十丈峨眉雪香積孤峰太  
華蓮三載差池勞夢寐相將携手洞庭煙

張肖甫司馬招飲三茅觀絕頂是夜遂宿觀中

山當涼月酒全消步入流霞路轉逢有鳥隔花窺絳  
蠟何人映竹坐璫簫海潮初過暮渚出風雨忽來秋  
殿搖更傍真人分紫氣一官吾已夢冥寥



白梅集 卷之七  
鄒爾瞻自戍所召拜省郎識喜二首

帝念忠良補衮材拜恩新自夜郎回星搖列炬鳴珂  
集霧散爐香大殿開路斷炎荒迴日月天高嶽瀆走  
風雷知君更有消搖意馬首西山暮色來

黃沙自分老窮荒青瑣那知拜夕郎  
黃夢未能離野戍恩波應已泣蠻王  
鐘聲浮動三秋月花氣淒清五  
夜霜正值垂衣歌有道更兼鳴鳳滿朝陽

傅侍御自海上戍所召還臺中作

傅君居戍所  
十年還朝髮

髮盡  
白

朝看水性夜山魈遷客魚龍伴寂寥蓬鬢雙侵窮島  
雪鐵衣猷卧海門潮偶逢僊吏譚瑤草夢與神人度  
石橋十載漂零惟一劍主恩垂老賜還朝  
淒涼銅雀墓門空浩蕩金雞絕塞通憲府已多新白  
簡都人猶識舊花驄五更風露衣痕冷雙闕星河燭  
影紅萬里脫衣旋草疏清霜皦日照孤忠

吳太史召還作

曾飛片紙叫重闈歸老丘樊道自尊坐占水雲三萬  
頃間緡石室五千言經年不作華清夢此日重登金



白梅集 卷之七  
馬門烈士風霜知自保鮮衣楚楚佩芳蓀

送劉惟衡給諫之留都

青瑣僊郎在赤霄 主恩南去不爲遙  
蟠龍山勢迴 三殿飲馬江流問  
六朝綵筆千秋借雲氣皂囊一路  
采歌謔送君無恨臨河意落木清霜映板橋

送兵科給諫鍾道復年兄之金陵

一紙封章動百蠻拜恩東去列鸚班  
天青霜磬南朝寺石長寒松北固  
山七校旌旗屯大澤九河樓櫓踞  
雄關重臣坐壓咽喉地兼理蘭舟煙雨間

陳思進拜吏科給諫却贈

水綠霞紅殿閣涼爭傳才子入明光  
雕鞍廣陌花無數銀燭香爐夜未央  
楊柳千行裁鳳詔芙蓉十丈駕  
虹梁會看同列朝班者萬里孤臣自夜郎

時鄒爾瞻自貴竹戍

所賜環與君同拜

題陸敬承太史芸香館二首

館在長安街與宮闕相對

紫殿何妨白屋貧星河獨夜宿勾陳  
斜簾半捲秋空鴈冷露全清御道塵  
玉版金張知大史踈籬野菊是幽人  
暫時簪筆勞供奉早晚松蘿許結隣



寂寥真稱子雲居咫尺風塵隔玉除殿上鑪香分縹  
緲簾前宮樹借扶疎花開犬吠朝廷客燭冷烏棲夜  
校書最愛月高斜日晚紅霞散盡碧天虛

和王恒叔登玩花臺故息夫人臨妝處

土蝕臺荒露草根春來黃蝶滿西園新宮歌舞花前  
宴故國山河夢裏魂風暖五雲籠繡箔日斜雙燕語  
重門年年抱得藤蕪恨不使君王見淚痕

贈林景徵侍御

直廬三載厭承明驄馬千花輦路迎雁度秋河宮樹  
綠烏啼古柏殿雲平天津霜落旌旗遠淮甸風高鼓  
角清不獨袖中多諫草雄文往往是西京

聖駕幸天壽山恭述

千峰佳氣鬱籠葱地爽天高卜壽宮曩曩鳳笙傳大  
殿駿駿龍馬踏遙空風雲騎士三河少日月旌旗六  
郡雄絕勝周王金母宴山花齊拱御筵紅

聖駕幸老君堂僊人洞恭述

巨石中開御道平璽瓏玉洞水霞明藤蘿偏映宮  
衣色松桂俱含天樂聲絳闕星河扶輦下白雲僊仗



白梅集 卷之七 九  
隔花迎蒲萄綠酒雕胡飯月出瑤臺夜轉清

北上彭城別姜仲文二首

征夫直似老風沙  
斲解銀鞍問酒家  
惜別空令悲往日  
相逢不住是流霞  
忽驚月出東林白  
但恨天低北斗斜  
好買雙舸分水國  
一竿長得共蒹葭

荒城濁酒送斜陽  
數起門前指鴈行  
木葉時時作風雨  
星河夜夜在衣裳  
坐深熠燿初驚扇  
秋冷莎雞半入牀  
何物最能關別恨  
野橋殘月照清霜

送徐華陽方伯入朝東還道經宣城因憶故君

典太史

方伯及余俱與太史有葭葦之好

五雲雙闕下崔嵬  
客路論心濁酒杯  
殿閣西來接星漢  
海天東去近蓬萊  
金鞍細雨霓旌濕  
鐵笛青煙畫舫開  
定過陵陽尋片石  
故人丘壠白楊哀

送袁文毅左遷滄州別駕

滄州好去采芙蓉  
繞郭流波泛短舸  
無那流言成市虎  
轉看浮世薄雕籠  
香清雲冷官衙暮  
樓暝花繁水氣濃  
豈謂謫居妨嘯傲  
高齋盡日坐寒松

贈范國士侍御



白木集  
卷之七  
僊郎曾出理煙霞山縣鳴琴日欲斜種木采苓俱政  
事青羊白鹿見官衙冰心暫領西臺節天漢還乘北  
斗槎好踏香爐峰頂去與君石上臥松花

送吳山人遊泰山

匹馬長安落葉分手提竹杖謁元君天門頂上騎黃  
鵠日觀峰頭擊白雲鐵笛剛風吹不斷香爐寶殿夜  
猶焚采芝儻憶同心侶好寄丹霞綠字文

贈朱文臣吏部

同時作吏五湖邊只隔疎林一帶煙粉署雞香行複

道青絲馬首映連錢簾前日落西山出城上烏啼北  
斗懸玉樹兼葭真忝竊檢書爨燭自清緣

奉送大宗伯徐公致政歸三吳四首

建禮秋高宿未央曾將綵筆事 先皇孤臣江漢憐  
漂泊七首虹霓自慨慷萬里總看凋鬢髮二朝誰識  
飽風霜天寒歸去河水合督亢亭前落葉黃

神驥風稜烈士心而今始得脫華簪履聲漸與星辰  
遠馬跡應知雲霧深古殿踈鐘林屋曉逢天落日太  
湖陰他年使者詢黃髮好向蒼厓頂上尋



向曉登車冰雪殘城頭北斗尚闌干山川濟勝身猶  
健鷗鷺尋盟夢始安飛瀑濺花茶竈濕冷風吹戶石  
牀寒條然獨領煙霞去種得名園竹萬竿

老從 天子乞閒身面作桃花鬢似銀三殿鐘聲初  
送客五湖月色已邀人林深小雨青芝長門掩清谿  
白石憐孤劍自傷知己去風雷何日合延津

賦得西望瑤池降王母得瑤字

親遣青童鶴駕邀西來金母阿環朝龍紋珠履蒼煙  
濕虎帶顰囊赤電搖半嶺剛風送簫管一天涼月浸  
瑤瑤倦郎手進雕胡飯千歲嶠州雪未消

送徐孺旭還吳

王孫征馬倦風煙暫向東吳問秫田送客寒天遼海  
雁遲人春水洞庭船醉逢王績花前酒歸及緱山鶴  
上倦我亦曾眠林屋洞因君回首一悽然

寄郁孟野

薊門沙白捲枯蓬風急霜高吹斷鴻鄭氏無能棲谷  
口幼安豈願客遠東踈燈茅屋鳴寒雨短褐關河返  
遠空早晚垂鞭動西笑馬頭天矯掛青虹



雪夜集徐文卿宅

雪滿燕山照玉京  
琴邊初聽落梅聲  
暫違麋鹿丘中  
賞終是煙霞物  
外情長嘯不知雙  
闕迥片言俱帶五  
湖清  
花暝斗斜銀燭換  
坐深凍雀下層城

寄胡從治開府二首

關門西指控幽燕  
路斷當年飲馬泉  
醉倚筇篻供坐  
嘯親隨刁斗出行邊  
龍堆慘澹千旗雪  
雞肋騷尋萬  
騎煙掃盡胡塵  
天地朗射鵬還擬  
過祈連

縛虎雕龍氣總豪  
雙鞬列校擁干旄  
按歌玉板填都  
護立馬銀鞍試綵毫  
風勁天寒霜隼疾  
草枯日落塞  
鴻高么麼豈有英雄骨  
慙媿心知解佩刀

寄梅客生明府

長安十載酒人傍  
綵筆生花劍吐光  
地迥霜高飲馬  
窟天寒日落鬪雞場  
兩都奏賦稱才子  
三輔鳴琴自  
帝鄉  
總恠神君朝月朔  
雙鳧咫尺得迴翔

雙林卽事

生事年年逐馬蹄  
禪房何日借幽棲  
雲深洞犬當花  
暝香護林猿  
暎竹啼乞食僧歸  
殘雨外窺簾月在暮



白梅集 卷之七 十三  
鐘西了然心似空潭水萬壑千峰宿虎谿

寄呂使君二首

才如洗馬暢玄風官是宣城列郡雄  
南國採桑千騎外西園飛蓋百花中  
窗臨瀑水僊巖映月上寒松官舍空  
幾向丹霞見顏色陵陽歌吹送歸鴻

清風朗月倚參差紅藥青苔識履綦  
開逕不妨流水至焚香長與白雲期  
人如子晉霞衣薄書寄華陽鶴使遲  
亦有瓊花雜瑤草僊郎無那隔山陂

都下贈洪孝先山人

君是洪崖第幾孫自將雞犬住花源  
孤雲抱石藤蘿暝涼月含風松桂繁  
何事馬蹄行紫陌定應蓬累視朱門  
碧桃落盡鶯啼歇閒殺空山洗藥盆

贈鄒舍人孚如

年少金門可陸沉形骸落穆氣蕭森  
胸吞夢澤魚龍舞家住瀟湘煙雨深  
繾綣直須桑下語風流自賞篋中琴  
他年好共棲南嶽滿地松杉落日陰

送范屏麓大司成還吳興

春城花色照行衣白馬驂驪落日微  
天路終難借龍



性野人應不妬漁磯雙谿綠雨飛青雀片石丹霞掩  
玉扉手拍洪崖看六博香風蒲路采芝歸

送喬曹長備兵井陘三首

熊耳峰前牙帳明使君千騎出幽并風高鉅鹿宵弓  
勁雪盡滹沱春水平金劔雙龍吹斗氣銅焦七校起  
邊聲白猿黃石英雄畧坐使天驕避姓名

新提虎竹散朝班夾岍桃花黑水灣獵火如城連上  
黨大旗捲雪照陰山射鵬弓響單于道飲馬泉枯將  
士閒此日垂楊牽別恨太行西去是陽關

粉署含香已有年黃金橫帶出行邊平沙莽莽胡天  
盡野日高高漢壘懸白馬夜屯驃騎帳朱旗曉散礪  
鶉煙丈夫久抱鷹揚氣好取長繩縛左賢

輓馬鐘陽大司徒先生

落落三朝舊典刑可堪河嶽走英靈山空土冷埋雄  
劍風急天高隕大星煉藥爐煙秋裊裊藏書峽雨晝  
冥冥神遊八極何時返髣髴牙旗捲幔亭

贈劉衛尉

呼鷹臺下見雄姿雷電縱橫說劍時座上兩都梁苑



白梅集 卷之七 十五  
客門前六郡羽林兒雕牕夜醉西園酒綵筆親裁南  
國詩最是秋風雲夢獵桃花寶馬汗淋漓

贈沈純父符卿四首

憶昔投荒萬死輕寒沙飛藿暮雲平一尊若箇河梁  
送匹馬蕭然嶺徼行薜荔山魃衝霧氣珊瑚龍子泣  
波聲知君已領煙霞趣白日空懸烈士名

海上三年飽蕨薇荔枝花外月痕微曛曩曉日趨金  
殿慘澹邊霜臥鐵衣謫去自憐骸骨在重來肯使壯  
心違青冥閑看飛黃鵠獨有孤雲無是非

幾樹桄榔手自栽金雞到海逐臣回神靈呵護崆峒  
碣僊客淹留沆瀣杯竹暗蠻煙山鳥下花深戍月嶺  
猿來東園秘器西陵栢早見荒原蔓草哀

曾挾風雷排九天英雄氣盡是枯禪紫騮亂踏長安  
月白鹿閒栖古洞煙寂寞祇深航海後道逢不待掩  
關年桃花那隔秦人路共掃空山片石眠

送殷無美出守夷陵二首

如椽綵筆飲秋虹南國專城氣自雄絕峽春雲神女  
賦平原大獵楚王風滿川花柳青猿外夾岍篔簹綠



雨中十丈布帆千頃雪便君把酒坐凌空  
山川祇是借靈文地僻官閒澤國分春踏陽臺花上  
下夜焚蘭芷氣氤氳將無歲月淹辭賦一半生涯治  
水雲彷彿黃陵聞寶瑟天青露白問湘君

舒崇孝陳鳳父王季孺徐伯衡史長靈諸吉士

携酒見訪賦贈

石渠豪客善談天窮巷聯鑣問草玄莽蕩世情飛鳥  
外淋漓酒態落花前杯行露坐搖青漢月出高城散  
綠煙人道羣真會句曲好風吹下紫霞篇

送王茂大出僉楚臬

千言草疏挾風霜一日乘槎指漢陽官舍峰霞飛紫  
蓋扁舟煙雨下瀟湘綵毫氣吐青虹冷瑤瑟聲和白  
芷香知爾平生耽勝事君王爲卜水雲鄉

送趙汝師太史還吳二首

偶來東觀覽人羣歸去南中臥水雲除是山深堪獨  
嘯若爲身隱不須文天將黃鵠心俱遠名在青城世  
得聞龍笛吹殘蛟蜃舞詩成乞與洞庭君

高閣平臨蒸火青林火香幾載坐春星丹霞寒覆華陽



白梅集 卷之七 十七  
館落日天荒征虜亭三殿豈能留折檻五湖乍可快  
揚舲山齋綠樹堪銷夏萬遍陰符大洞經

寄壽朱大司空

北斗南行紫氣俱東山遙領白雲疎玉函太乙真人  
籙金簡玄夷使者書六博花間微雨後一尊池上晚  
涼初醍醐夜醉丹霞已自引鸞笙駕鹿車

送朱可大水部奉使青齊暫還豫章壽其尊人

大司空公

親探泰岱篋中文遂踏匡廬頂上雲太傅弦歌高館  
合贊皇花石曲池分西清肯負鸞鸞夢南浦聊爲鷗  
鷺羣舞罷來衣進天酒丹砂遙寄碧霞君

送董伯念予告還吳興四首

廣陌踈花撲柳條馬嘶殘日酒初消城隅宛轉飛塵  
亂野樹參差暮色遙水滌天空帆似雪沙明人語月  
平橋黯然夜讀江淹賦冷露中庭坐斗杓

鳴笳伐鼓送仙郎六野十蕪帶郭長纜上煙霄陪建  
禮又從雲水罷含香裁花初就辛夷塢薙草旋開紫  
葯房調鹿呼猿俱勝事日斜童子采昌陽



作賦揮毫學若華  
輪君年少領兼段  
馬蹄塵外行山路  
雁柱聲中卧酒家  
石壓湖船摧碧浪  
樓虛水檻抱丹霞  
涼風會送紅蕖落  
歸到橫塘及蓼花

嬾聽朝雞問馬鞭  
華清煙月想吳天  
明珠南國邀文采  
絲管東山借盛年  
江上白蘋催畫舫  
省中嘉樹散瓊筵  
孤桐歎息知音去  
衰颯雙龍寶劍篇

贈蕭以占太史二首

綵筆雲霞莽不停  
芙蓉削出萬山青  
裁詩雪滿漁陽騎  
把酒風生督亢亭  
花覆桂僚低廣殿  
夜寒藜火照

疎櫺一官未是千秋物  
名落人間儼歲星

紫蓋玄夷玉檢文  
向來嶽色助氤氲  
荆王大獵驅寒雨  
漢女明妝下彩雲  
歌罷魚龍波上出  
香清蘭茝月中分  
屈平宋玉俱零落  
南紀滔滔已屬君

沈純父符卿蕭以占太史以孚民部龍君善司理集小齋作

倒倚青天大白浮  
客來恐是醉鄉侯  
不愁鳥外斜陽盡  
自愛花間暝色留  
露冷漢宮紈扇夜  
燭深燕月絳河秋  
諸君總把煙霞氣  
會見雄文著五游



同龍君善飲董伯念齋中時伯念以請告將歸

吳興

六街如水敞高筵萬樹宮鴉入暮天日射斷虹收白  
雨星含疎燭散青煙何人自鼓瀟湘瑟有客將歸震  
澤船濁酒清歌君不醉露華淒冷月空圓

送董繼可比部以言事左遷萬全幕僚

漢殿初高折檻名羣僚慷慨送君行野風吹樹胡鷹  
下邊月臨關代馬鳴夢繞銅龍開禁曙霜高刁斗度  
寒聲長歌出塞雄心起落日弓刀雪色明

送許西峪出守衡州

朱陵紫蓋治南天七十二峰生暮煙官舍猿啼多綠  
樹山橋馬跡遶紅泉江妃映竹掩秋扇漢女凌波傍  
夜船定以雲霞銷簿領使君爲吏是神僊

送關仲珩還南海

送君南去五年城高木神飈天氣清月滿布颿江水  
白路盤山店嶺雲平千林丹荔霜前色萬戶青猿雨  
後聲歸到故園親友在柴門濁酒飯香杭

黃白仲由白下之燕見過邸中荅贈



黃金臺冷問昭王醉臥胡姬酒肆傍邊草青青銷馬  
骨朔雲漠漠壓魚腸蟲吟風葉秋聲急人語星河夜  
色涼領取尊前千古意天空大野立蒼茫

送蕭以孚民部出使江淮

才子三都綵筆孤東方千騎使君殊板橋明月窺紅  
樹野櫂涼風下白蕪定以煙霞銷簿領不妨清夢狎  
鷗鳧淮南舊是神仙地雞犬雲中信有無

贈顏質卿舍人

宰官身已證菩提暫了塵緣傍馬蹄定去寒松飛野

鶴夢回殘月映朝雞不隨酒士經常曲時共高僧坐  
竹西采藥看花諸弟在家臨長薄繞青谿

贈任子賢舍人

看君風骨帶煙霞官舍清如處士家聞道柴桑種五  
柳更從少室采三花空風細鳥平樹疎磬天青月  
度沙話到長林成獨往不知身世是京華

送周少魯之南光祿

征夫何事又長干却悟浮生在馬鞍楓葉新霜南國  
冷布帆秋水夕陽寬滿衙疎磬連僧舍入夜空香坐



宰官最是雨花臺上月一尊還得照清歡

送張侍御出僉閩臬

籍甚臺端抗疏名馬蹄何事又南行天霜木葉飛相  
送驛路寒雲莽未平帆影秋沉姑蔑雨猿聲暮起粵  
王城武夷曲曲隨征憶斜日踈煙父老迎

秋夜同余宗漢大令楊公亮太史王季孺吉士

黃白仲山人燕宋忠甫君侯第得寰字

列侯西第做人寰涼月踈花綺席殷白苧清歌歸扇  
篋烏蠻小隊舞刀鏗河低官樹微鐘歇霜冷林鴉火

炬還曲罷酒醒齋閣閉蕭蕭落葉似空山

九日余宗漢明府宋忠甫君侯李叔玄民部王

受吾秘書季孺吉士秦君陽文學金玄朗黃

白仲詹政叔三山人朱汝修楊士駿二保御

集余宜寥館分元字

金貂阜帽共莫尊海內賢豪此會存客有清狂如鼓  
吏坐當蕭散是丘樊暮砧慙斷沉河影秋燭光寒上  
月痕奏罷雕龍天莽蒼更從茅氏問丹元

都下送茹懋集還毘陵



乘風快讀五噫文南去山川屬隱君彩筆仍看搯海  
色布衣終不染宮雲孤帆木葉青天遠水國芙蓉白  
露分到日丹陽陵口路寒沙吾已夢鷗羣

登檀州城

大將開山巨石奔北平天險控關門白雲王氣諸陵  
合黑水軍聲萬竈屯徼外風腥胡騎過城頭日落戍  
樓昏射雕牧馬英雄去邊草青青古血痕

贈別于民部二首

使君福地近華陽松桂陰森鶴影長家養玉童教練

藥官連粉署乍含香冥心竹杖經山路清夢藤花覆  
石房黃帽青鞋吾自老他年向汝乞僊方

沙青水白布帆平寥廓知君羨此行邊雪孤城淹秣  
馬江花兩岸送啼鶯罷官正合稱居士玩世寧容學  
步兵欲就大茅峰頂月碧桃千樹坐吹笙

留別李叔玄計部

蓬萊歸路指西陵天際孤帆細浪層草綠鏡湖春放  
權花深雪竇暮尋僧黃塵驅馬真無賴白日驂鸞媿  
未能何處瑤華憶公子高霞半壁掩垂藤



登古北城懷顧益卿使君

山川險隘割平荒把酒登城暮色蒼  
石虎騰驤開絕壁玉虹天矯駕飛梁  
馬鳴青草逢關吏箭落黃雲滿獵場  
聞道使君親出塞天寒胡血染魚腸

集孫漢陽郊居

幽意平生丘壑多偶然立馬碧山阿  
風簾裊裊侵疎竹雪洞深深映綠蘿  
借取玉壺澆磊塊更煩銀燭照婆娑  
嬌歌豔舞真堪住其奈雞鳴月落何

白榆集卷之七終



登古北城懷古

山川險隘割平荒  
把酒登城暮色蒼  
蒼石虎威靈開絕  
壁玉虹大矯駕飛梁  
馬鳴青草走關吏  
前奈黃雲雁  
獵場聞道使君親  
出塞天寒胡血染  
心腸

集孫漢陽郊居

幽意平生丘壑多  
偶然立馬碧山阿  
風簾最畏侵疎  
竹雪洞深深映綠蘿  
借取玉壺澆磊塊  
更煩銀燭照  
婆娑  
嬌歌聽舞真堪住  
其奈難留月落何

白翰集卷之七終







